

同安縣志卷之八

海防

古未聞有海防也有之自明代始而防之嚴也則自嘉靖始崇禎閒劉忝老鄭芝龍盤踞海上沿海居民輒受其害同邑為海疆要區奸匪最易出沒者莫如金廈二島我

朝威靈遠耀兩建帥府製造戰船出洋會哨賊無所試其技矣今者商通舟楫之利民慶安瀾之福海隅蒼生咸被

同安縣志

卷之八

海防

聖天子之厚澤官斯土者思患預防則疆宇寧而海邦靖矣志海防

海口

石滸在炳洲北為金廈入縣必經要道乃海潮溪水接流

密頭在縣南與石滸隔一港

劉五店在縣東南海邊往來要道

滸美在天馬山之麓

五通在縣東南為由縣入滸必經之所

高崎在廈門由廈入縣之隘

高浦在縣西南與海澄之排頭門新安相對海防故言其西有松嶼與月港相對者誤

馬鑾在縣西與鼎尾隔港

鼎尾與海澄之新安相接

澳頭在劉五店之東大登之西

大登四面環海在金門城西方輿紀要云廣六七里西有小登亦海中要地

古寧在金門左平林右后浦與大登遙對

同安縣志

卷之八

海防

二

鼓浪嶼在廈門島前而海澄嵩嶼等處包其外

會厝安在廈門盡南西扼海門南對太武東制一擔浯嶼之衝沙地寬平清澳稍穩可駐大軍

烏坑園在廈門港南

白礁在縣西南閩書地錯溪澄負山面海陸則咫尺孔道水則瞬息海澄民貧慄悍賊故不犯而沈命之徒時出入焉

以上俱屬內港

烈嶼在金門鎮城南海中方輿紀要嶼周二十餘里

大小山數十唐時嘗置牧馬監於此閩書與金門
隔潮並峙海上有警則烈嶼先受其鋒

東澳在廈門東南在牛頭黃厝二汛之中

黃厝社在廈門東南與大小擔相表裏

金龜尾在金門西南烈嶼則唇齒相依大擔亦聲援

必及

大擔門在浯嶼東海中延袤數里與小擔門對峙為

廈門外蔽最為險要方輿紀要明嘉靖二十七年

賊攻沙頭澳衝大擔外嶼官軍擊卻之

同安縣志

卷之八

海防

三

峯上在金門鎮城東閩書汎居浯洲嶼最東其澳曰

料羅

料羅在金門鎮城東大海中閩書料羅處金門極東

地船隻往來必經之所為泉門戶

明蔡獻臣浯洲
建料羅城及二

銃議同安海嶼地大而山高者惟浯洲嘉禾為最

嘉禾之南中左之所城也而洪濟為之鎮浯洲東

北四巡檢之所碁置而南則金門之所城也而太

武為之鎮嘉禾去邑五十里一海可亂而浯洲之

西則緣溪入海行六十里出澳頭而森乎不見水

端矣其之邑則有金門渡後浦渡埔丁渡平林渡

金山港鹽渡之董水則有平林渡之蓮河則有西

黃渡之安平則有官澳渡此皆內海也其東則外

海為澎湖為東番琉球諸國凡夷賊之由泉而南
由漳而北者必取水而維舟焉其澳最平深於北

風尤隱而登岸尤便者口料羅故設汛以來歲勤
郡營戍守汛畢乃歸承平久而戍撤僅僅活網遊
春秋汛及之然亦寄空名耳癸亥東紅夷登岸把
總丁贊死之於是撫鎮出二標以戍而一民居寓
兵八九人大為民苦未幾復撤去而分金門營兵
守焉本澳有官廳有媽宮媽宮之前營房對列兵
居之近左起一小阜其下二盤石並入海大徑四
五丈又左則一石山如虹直亘海中甲子夏議建
銃臺於懸石上予謂三山橫亘海外澎湖閩南之
界石浯洲嘉禾泉南之捍門也曩時諸夷風帆猶
在旬月之外自倭奴潛販東山而紅夷城臺灣寇
賊奸宄淵藪往來共指同安海澄閒信宿耳嘉禾
澎湖設將宿兵賊或未敢遽窺獨浯島而無備實
啓戒心急而圖之不已晚乎則料羅之城詎非百
年碩
畫哉

官澳在金門城西北

同安縣志

卷之八

海防

四

田浦在金門城東其外皆大洋與東碇遙相望

陳坑在金門城東南面大海與浯嶼相對

浯嶼在縣極南孤懸大海中左達金門右臨岐尾水

道四通為海澄同安二邑門戶明洪武初置水寨

於此景泰三年尚書薛繼璉經略海上以其地孤

遠奏移之嘉靖閒移入廈門而寨名仍舊其地既

墟番舶南來遂據為巢穴後屢議復而未行萬歷府志

舊浯嶼水寨在大擔南太武山下扼大小擔二嶼
之險絕海門月港接流之好與福州烽火小埕興
化南日漳州銅山聲勢聯絡其為全閩計甚周先
年烽火南日二寨移入內澳浯嶼寨復移廈門縱

賊登岸而後禦之無及矣嘉靖戊午浙江舟山倭
徒巢柯梅後駕舟出海泊於浯嶼負嵎莫撓四出
剽掠興泉浙廣並受其害巡撫譚綸總兵戚繼光
議請復舊旋復旋罷近移浯嶼水寨於石湖說者
謂濱海四郡隔藩籬而懷醜毒原非便計迺石湖
則於內地尤近置鯨波若罔聞矣倘亦一長慮乎
籌海圖編自嘉靖移舊浯嶼於廈門說者以不禦
門戶而守堂奧自失其險然欲復故寨孤懸海中
既鮮村落又無生理一時倭寇攻劫內地哨援不
及兵船之設何益哉故與其議復舊規孰若慎密
廈門之守於以控泉郡之南境自岱墜以南接於
漳州哨援聯絡豈非計之得哉蔡獻臣答南二秦
撫院書夷氛尚熾秋穀欲焦此海邦之憂也年來
賴公如天之覆修政修教即須與閒已纖毫畢照
振舉靡遺八郡從茲脫湯火而就枕席非仁人之
明賜哉近聞紅夷復入浯嶼求互市不佞臣因思
祖宗設官良有深意浯嶼一片地在中左所海中
中左門戶也先朝設把總於此官因名焉嗣且縮

同安縣志

卷之八

海防

五

於中左之城外嗣且移於晉江之石湖而浯嶼遂
成歐脫往尚有城居數家汛時汛兵朝往暮歸今
紅夷來必泊之則此地之要明甚浯嶼總徙復設
浯澎遊則此官之不可廢明甚倘就本嶼建一大
銃城而撥一水哨守之多置銃械其中則有險可
憑有銃可攻夷必不敢泊舟其下亦必不敢越此
而入中左也又左岸為普照寺亦可就近寺處建
一小銃城而撥兵二三十名守之彼此對峙銃礮
互發夷益不敢越此而入中左也石匠惟中左最
多而海石亦最多此不過費一二千金而足且深
得祖宗設官之意客歲議設遊戎裁把總鄙見謂
石湖可裁蓋遊戎宜居中調度南北照管而中左
所必不可不常住一遊石湖則第以一名色總領
數舟守之兼策應永寧崇武一帶足矣然此為無
事時言耳今夷舟猖獗尚議添敢議裁惟浯嶼之
銃城似必不可已也幸公詳議而創是役真百世
利耳

國朝康熙閒派弁兵防守

漳州府志浯嶼外
控大小擔嶼之險

內絕海門月港之奸嘉靖初遷入廈門前人以爲自矢其險然彈丸黑子屯聚無多今駐水師提督於廈門以障全閩之海口人民商賈番船輳集等諸郡縣而別駐守備於浯與蓋據內外險而兼收其勢也

按府志載同安海防有浯嶼海門二條今二地俱屬海澄似應裁汰但浯嶼非海門可比蓋大小擔門爲廈門之外屏而浯嶼又爲大小擔門之指臂也且正當金門之南浯嶼一失則廈門危而金門已先受其厄則其有關於同邑者匪淺故於浯嶼之官與兵不載於軍制而浯嶼之地仍同於海防

同安縣志

卷之八

海防

六

以上俱屬外洋

又按縣治西北依山東南濱海而金廈俱在東南故以上所載內港諸口皆縣與金廈交接之地并赴海澄龍溪之處而外洋諸口則俱在金廈兩門廈門廣袤五十餘里閩晝東抵烈嶼金門南至大海擔嶼西與海澄五澳合界北至內港與高浦相望金門舊名浯洲嶼明初改今名置守禦千戶所閩晝浯洲嶼西連烈嶼中左南達擔嶼鎮海料羅盡其東官澳極其北雖土壤之廣金不及於廈而

其為海洋之鎖鑰全邑之藩籬則廈實與金同也

明蔡獻臣與徐心霍都督晝紅夷猖獗幸藉大將軍威靈中左恃以無虞日師律嚴明將領知畏而士卒不擾中左之人誦功德不去口惟恐大將軍一日而離中左不佞亦數以大將軍廉勤向當道頌言之且為傲同喜得萬里長城也然中左者同安之外戶而鼓浪嶼者中左之輔車安危共之若夷據鼓浪而以堅銃巨舟泊其下則中左之戰場一帶遂無敢往來者是斷一臂也又夷舟之泊必浯嶼大擔而其入必普照會官澳及鼓浪之左右故此三處必分兵守之而以大小銃付之又必各以小舟數隻佐之方得水陸俱宜縱無奈彼巨舟何獨不可熾其小艇乎至攻夷法惟火與銃火攻必須上風乘潮然茫茫大海吾能燒彼亦能避可必其遂入殼中哉不佞謂夷所畏者銃耳若黑夜用小舟幾隻載巨銃數撓之則夷舟必且損壞即未損壞必大驚擾出必以夜防其見也舟必以

同安縣志

卷之八

海防

七

小避其銃也夷夜泊則不安晝掠則有備其勢必飢而逃是制夷之上策也或又疑銃大舟小恐致沈溺似可用商船漁船價值十金者先試之於內港小舟有損則更求其稍大者小舟無損則依法乘黑夜擊之又何憚焉若日待其登陸而拒之則彼無所不攻我無所不守而任彼晏然游夷于風波之中即不必勾倭通賊而沿海居民必被其荼毒此所謂養虎為患者也惟大將軍裁之

水操

水戰與陸戰不同必使兵習於船船習於水履洪波

如平地方能決勝則平時操練不可不勤矣其跳

擲之法神明變化難以言傳而隊伍整齊固不定

位茲將陣圖備列於左

拋泊聽合陣圖 各船先起頭蓬聽合

戰船

戰船

戰船

戰船

船令司

船帥督

戰船

戰船

戰船

戰船

同安縣志

卷之八

海防

八

第一萬派朝宗陣圖

帥座船司令船舉號各船俱將
大篷起滿朝外左右挨次雁行
前進船中各都俱作戰勢如法

戰船

戰船

戰船

戰船

船令司

船帥督

戰船

戰船

戰船

戰船

第二雙鳳穿花陣圖

司令船舉號左右船轉舵向
挨次穿織船中各部俱作戰勢
如法

司令船

戰船穿左

戰船穿左

戰船穿左

戰船穿左

督帥船

右穿船戰

右穿船戰

右穿船戰

右穿船戰

同安縣志

卷之八

海防

九

第三統清寧陣圖

司令船舉號前進左右挨次穿
插魚貫直駛而前船中各部俱
作戰勢如法

司令船 戰船 戰船 戰船 戰船 戰船 戰船 戰船 戰船 戰船

督帥船

奏凱還原陣圖

司令船舉號前魚貫諸船仍分門左右依次凱歌回泊

戰船 戰船 戰船 戰船

司令船

戰船 戰船 戰船 戰船

督師船

同安縣志

卷之八

海防

十

戰船

廈門戰船六十六隻金門戰船三十二隻其各營分派及修造等俱詳見兵制

砲臺

大擔前大擔後金龜尾料羅皆設砲臺所以扼外洋之險廈門港設砲臺使賊船不得近岸所以當內洋之衝此前人立制之意也

分防

諸汛各有兵防守自三名五名起以至數十名不等

皆各營分派惟大擔門爲海言最要之地故標
之左前後三營遊擊左右前後四營守備皆輪班
帶五營戰船兵丁寺赴汛協防而廈門港砲臺爲
廈門總隘五營俱撥兵守之

巡哨

海洋出哨每年春秋各一次廈門派遊擊守備帶戰
船兵丁隨哨中路聽金門鎮調度在涵江會哨南
路聽南澳鎮調度在銅山會哨北路聽海壇鎮調
度在鎮下關會哨金門則總兵官於二月親自出

同安縣志

卷之八

海防

十一

洋三月往北洋與海壇鎮會哨六月往南洋與南
澳鎮會哨九月再往北洋與海壇鎮會哨俱帶戰
船若干隻及標下官弁兵丁隨哨其左右營遊擊
守備又於四季自爲巡哨每月初六日赴圍頭洋
面與提標分巡船會哨十九日赴陸鰲洋面與銅
山分巡兵會哨夫哨者所以察其將萌防者所以
拒其突至原不容廢一然能使外洋寧謐盜之劫
掠無所試其技嘯聚勿能遂其謀將駐泊之處自
可無虞而哨不爲尤要歟

水程自廈門港大

馬辰國三百二十更以下俱西南洋

噶喇吧國二百八十更

柔佛國一百六十五更

舊港國二百十五更

麻喇甲國一百九十二更

可機宜國一百四十七更

暹羅國一百八十更

大連國一百五十五更

同安縣志

卷之八

海防

十三

大崑國一百五十更

港口國一百三十二更

赤符國一百八十更

安南國六十六更

交趾國七十四更

古城國一百更

東埔寨一百四十更

呂宋國七十二更以下俱東南洋

蘇祿國一百四十六更

日本國六十三更

琉球國四十五更

文萊國一百五十更

浙江寧波港四十八更

以下俱內地

江南上海港五十六更

廣東澳門口三十二更

直隸天津港一百十二更

本省臺灣府十二更

澎湖七更

同安縣志

卷之八

海防

十三

風信

海船利在風風起滅順逆一軍安危係焉汛期多在

夏秋之閒西北風倏起或日早白暮黑天邊有斷

虹散霞如破帆鬣尾西北黑雲驟生昏夜星辰閃

動海水驟變水面多穢及海蛇浮游于上螻蛄放

洋烏鱗波弄必有颶風將至須急收安澳兵船在

海遇晚須先酌量收泊之處以防夜半風起追賊

亦然審風信為進止當局者不可不知也

清明以後南風為常霜降以後北風為正南風壯而

順北風烈而嚴南風時發時息恐風不勝帆故舟以
以小爲穩北風一發難止恐帆不勝風故舟以大
爲穩海中之颶四時皆發夏秋爲多所視氣如虹
如霧有風無雨名爲颶夏至後有北風必有颶當
災信風起而雨隨之越三四日颶卽候來少則一

晝夜多則三日或自南轉北或自北轉南必候西
風其颶始定然後行舟土人謂正二三四月發者
爲颶五六七八月發者爲颶颶甚於颶颶急於颶
舟在洋中遇颶可支颶則難受蓋颶風散而颶風

同安縣志

卷之八

海防

十四

聚也 颶不載字書
今姑從俗

颶風起自東北者必自北而西自西北者必自北而
東南俱至南乃息謂之迴南凡二晝夜乃息若不
落西不迴南則踰月復作作必對時日作次日止
夜作次夜止蓋其暴者不久或數時或一日夜其
柔者久或二三夜有一歲再三作者有數歲不作
者凡歲有打鬼節則有一颶有二打鬼節卽有二
颶鬼鬼宿也打節者或立春立夏等節值鬼宿也
颶初起時有雷則不成颶作數日有雷而止

風無定期必挾大雨傾洞拔木發屋操舟最忌惟得

雷聲則止占颶風者每視風向反常為戒如夏月

應南而反北秋冬與春應北而反南三月廿三日媽祖暴後便

應南風白露後至三月皆應北風惟七月北風多主颶旋必成颶其至也漸

人得而避之或日風具四方為颶不知雖暴無四

方齊至如北風颶必轉而東而南而西或一二日

或五七日是四面遞至非並至也颶驟而輕颶緩

而久且烈春風畏始冬風慮終又非常之風常在

七月臘月自廿四日至廿九日有南風則占來年

同安縣志

卷之八

海防

五

有颶如廿四日則應四月廿五日則應五月按日

占月至廿九日為應九月也

夏秋之交凡有大風即是颶有此風必有大雨其先

有斷虹之狀見者名曰颶母又名破帆柳子厚楊升庵李西

涯俱作颶蓋從佛經風虹如貝而言也投荒雜錄南越志作颶風因其東西南北四面風俱至也

言其象一言舟行以四八十月為穩蓋天氣晴和

其勢俱可稱也六七月多颶諺云六月防初七月防半六月有雷則無颶諺云

六月一雷止九颶七月一雷九颶來九月天色晦冥狂飈叠發俗呼

為九降或為九橫上颶颶俱挾雨惟九降恆風而

無雨颶之以時異者謂之暴每月值初三十八日

凡風隨潮發此兩日潮愈最大故潮滿恆有風來 每旬值七八九日為暴

期諺云七無暴八悽皇八無暴九夜不得到天光又云無事七八九莫向江中走皆言其必有也

月別有暴或先期即至或逾時始發不出七日之內

大約按其信期繫以神明故事便於省記正月初

四日為接神暴初九日玉皇暴是日有暴則四季颶期皆準否則驚

風驟作多不及防諺云玉皇無暴漁家莫做 十五日上元暴廿九日窈

九暴是日閩俗合聚栗作窈九節 二月初二日白髮暴三月初

三元帝暴十五日真人暴多 二十三日媽祖暴

同安縣志 卷之八

海防

末

多 四月初八日佛誕暴五月初五日屈原暴十三

日關帝暴二十日分龍暴六月十二日彭祖暴十

八日彭婆暴二十九日文丞相暴七月十五日中

元暴八月初一日竈君暴九月初九日重陽暴十

六日張良暴十九日觀音暴十月初十日水仙暴

二十六日翁爹暴十一月二十九日普庵暴十二

月二十四日送神暴

胡成繼光防倭海上於風信最為詳審嘗作風濤歌

使軍士咸誦之其詞曰日暈則兩日暈則風何方

有缺何方有風日沒脂紅無雨風驟返無沒前臘
脂沒後星光閃爍必定風作海波雲起謂之風潮
名曰颶風大雨相交單起單止雙起雙消早晚風
和明日更多暴風日暮夜起必毒風急雲起愈急
必雨雨最難晴仍防暴生春易傳報早生晚耗一
日南風一日北到南風防尾北風防頭南吹愈急
北卽不專雲車形大必主風聲雲下四野如霧如
煙名曰風花主有風天雲若鱗次不雨風顛雨陣
西北風如潑墨起作着梁風雨先颶雨急易霽天

同安縣志

卷之八

海防

七

晴無防水生靛青主有風行海燕成羣風雨便臨
白肚風作烏肚雨淋海豬亂起風不可已逍遙夜
叫風雨卽至一聲風二聲雨三聲四聲斷風雨鰕
籠得緯必主風水蛇蟠蘆上水高若干頭垂立至
頭高稍延月盡無雨來朔風雨廿五六若無雨初
三四莫行船春有廿四番花信風梅花風打頭棟
花風打尾正月忌七八北風必定發二月忌初二
三月忌清明五月忌雪至正月落雪起算至百廿
日期內必難已欲知彭祖忌六月十二日前後三

四宵必不爽此朝七八三日南必有北風還九九
當前後三四日內難十月忌初五三四之後前冬
至風不爽臘月廿四間月臨箕畢翼軫四宿風起
最準

潮汐

船之進港出港全視潮之平漲以下難易遲疾古人
水上用兵因潮分成敗者不可勝紀則防海者潮
汐洵不可不知也同邑之潮初一初二十六十七
午時初三初四十八十九未時初五初六初七二

同安縣志

卷之八

海防

六

十廿一廿二申時初八廿三酉時初九初十廿四
廿五卯時十一十二廿六廿七辰時十三十四廿
八廿九巳時十五三十巳末午初以此候驗之自
無差失

東西二溪之水東行趨海故潮汐相通自溪邊渡乘
潮退而出至於白嶼五十里白白嶼乘潮東至浯
洲五十里又南至嘉禾五十里又乘潮至晉江縣
七十里由是東西南北則無不之也日夜潮候信
若符契凡浙粵漳泉販舶往來者無不待潮而入

於溪云

潮汐之說古人論之詳矣謂晦朔前後月行差疾故漸長大望亦如之月弦之際月行差遲故潮之去來合沓不盡今海濱人以初一十五潮至日中滿初八二十三潮在早暮滿初十二十五日暮則潮平餘日以此推之無不準也卽其說也又謂月臨卯酉則水漲乎東西月臨子午則潮平乎南北今海濱人以月初上而潮生月中天而潮平月落則沒而復長卽其說也據同安潮候質之古人之言

同安縣志

卷之八

海防

十九

不爽矣然余安道又云遠海之處潮候各有遠近之期東海南海其候各不同豈非方之不同而氣有獨盛海之極遠者其得氣尤專故潮亦因之耶要之東與西對東海月臨酉而潮平言西則卯如之南與北對南海月加午而潮平言午則子如之是亦不外乎水月之相應也至晝潮大於春夏夜潮大於秋冬潮極漲常在春秋之中濤極大常在朔望之後則天地常數四海皆然

附載

諸說不專指相倚角與爲

同安然外郡列邑之地有互聲援之處防海者原不容恣

一隅而論即古今防法雖異亦可參觀故並附之

萬歷府志泉郡濱海綿亘三百里與外島爲隣其最險要宜防之地有三一曰崇武在惠安之東北接濬洲與興化連界西通泉州大港東接海洋南與祥芝對峙正當泉之上游海寇入犯首當其衝一曰料羅在同安極東突出海外上控圍頭下瞰鎮海內得金門可通同安高浦漳州廣潮等處其澳寬大可容千艘凡接濟萑苻之徒皆識其地以爲標準嘉靖閒委寇由此登岸流毒最慘一曰舊渚

同安縣志

卷之八

海防

二十

嶼在同安極南孤懸大海之中左連金門右臨岐尾水道四通乃漳州海澄同安門戶國初設寨于此最爲遠慮至崇武而南有永寧料羅而上有圍頭舊渚嶼之北有擔嶼烈嶼南有卓岐鎮海皆海寇出入之路抑其次也今汛兵屯崇武永寧分哨則獺窟祥芝深滬福全一帶有賴屯料羅圍頭分哨則沔洲安海官澳田浦峯上陳坑一帶有賴遊兵屯舊渚嶼擔嶼巡哨則鎮海岐尾烏沙港一帶有賴澎湖絕島舊爲盜賊淵藪今設有遊兵防守

則賊至無所巢穴又泉郡藩籬之固也迺若選將
校核卒伍修繕艦明賞罰使水軍狎風濤而不敢
偷安內澳則在人而不在地故曰地利要矣人利
急焉

籌海圖編每年三四月東南風汛番船多自粵趨閩
而入於海南澳雲蓋寺走馬溪乃番船始發之處
慣徒交接之所也附海有銅山元鍾等哨守之兵
若先分兵守此則有以遏其衝而不得泊矣其勢
必拋於外浯嶼外浯嶼乃五澳地方番人之窠窟

同安縣志

卷之八

海防

三

附海有浯嶼安海徑邊等哨守之兵若先會兵守
此仍撥小哨把緊要港門則必不致以泊此矣其
勢必趨於料羅烏沙料羅烏沙乃番船等候接濟
之所也附近有官澳金門等哨守之兵若先會兵
守此則又不敢泊此矣其勢必趨於圍頭峯上圍
頭峯上乃番船停畱避風之門戶也附海有深滬
福全哨守之兵若先會兵守此則又不敢泊此矣
其勢必起於福興若越於福興計其所經之地南
日則有岱墜濬洲等處在小埕則有海壇連盤等

處在烽火門則有官井流江九澳等處此賊船之所必泊者若先會兵守此則又不敢泊此矣來不敢停泊去不敢接濟船中水米有限人力易疲將有不攻而自遁者况乘其疲而合力攻之豈有不勝者哉

趙鳴珂福建防海傳烽火號令妙無窮閩地烽火更不同浯嶼水寨第一險形勢直與廈門通一炮一旗控泉郡一炮二旗南日烽火一炮三旗烽火路一炮四旗望懸鐘八閩上遊號南澳一旗獨舉

同安縣志

卷之八

海防

三

加兩炮雲蓋斜連走馬溪春深只恐東風到脫有風帆泊外浯兩旗兩炮柳聲報小埕北接烽火門屏藩福郡號長城海壇雄踞雖稱險賊船必泊要當心菱蕉諸司如有警兩炮三旗柳不停五澳金門齊會勦賊若敗走出何方峯上圍頭避風好一旗三炮響如雷福全深滬兩軍來兵逼濤衝停不得不走連盤走壇壁官井流江合力攻岱墜潛洲齊把截東斷江浙西斷廣內防接濟外防汲日旗夜火柳如風小醜么麼自消滅

童應舉嚴海禁疏閩在嘉靖之季受倭毒至慘矣大
城破小城陷覆軍殺衆膏萬姓於鋒刃者十年未
厭倭之視民如薙草焉歲劫歲焚歲殺有司將吏
狼顧脅息莫之誰何其後乃得戚將軍繼光從浙
提兵轉戰與俞大猷犄角漸次收復搜山搗海竭
智窮力出閩於血肉水火之中而存其遺孑蓋至
穆廟之世而閩始完其禍之慘烈而難收如此推
其禍始乃繇浙閩沿海奸民與倭爲市而閩浙大
姓沒其利陰爲主持牽連以成俗當時撫臣朱統
同安縣志

卷之八

海防

三

欲絕禍本嚴海禁大家不利連爲蜚語中之而統
逮問矣統逮而海禁益弛於是宋素卿王直陳東
徐海會一本許恩之流爭挾倭爲難自淮南至於
廣海萬餘里無地不被其殘滅而閩禍始加慘矣
當時徵繼光無論東南閩非國家有也臣聞劫數
將至民生外心昔日東南之亂天地一大劫也去
今未五十年民又生心相率與倭爲市卽臣郡福
州亦有之福首郡也處八閩之脊而縮其會福州
有事則八閩中斷而不相屬臣幼時聞諸父老嘉

靖未倭四劫得志一夕談笑內薄城下不過千人
城上人股栗江上兵船銜尾閉眼欲走當事者不
得已括金帛啗之揚揚而去當時幸城內無逼倭
者耳設有一焉爲之內應省城必危省城危而入
閩之道不通無閩矣今之與倭爲市者是禍閩之
本也而省城通倭其禍將益烈於前臣聞諸鄉人
向時福郡無敢通番者卽有之陰從漳泉附船不
敢使人知今乃從福興界中開洋不五日直抵倭
之支島如履平地不知是何惡少開此徑路一人

同安縣志

卷之八

海防

三

得利踵者相屬歲以夏出以秋盡歸倭浮其值以
售吾貨且留吾船倍售之其意不可測也昔齊桓
欲取衡山而貴買其楫欲收軍實而貴糴趙粟卽
未必然然他日駕吾船以入吾地海之防汛者民
之漁者將何識別不爲其所併乎萬一有如許恩
會一本者乘之不賈白衣搖櫓之禍乎又况琉球
已爲倭屬孰我內地不難反戈又有內外通倭者
爲之勾引乎此非獨閩憂天下國家之憂也臣聞
伏卵翮飛芽蘖穿屋蝨蝮破山乳蟻漏海事有未

作亂有未形其已著者也使嘉靖之季早嚴海禁則王直必不敢自徽往徐海陳東不敢自浙往曾一本許恩不敢自閩自廣往東南受禍安得若是烈也繇今思之則朱執曲突徒薪之策勝於十萬之帥猶當追錄而祀之奈何使蒙不白之冤於異世乎坐鎮薊門十五年一塵不聳不知省國家幾千萬錢糧全邊塞幾千百萬赤子乃生不蒙烈士之封死不獲華衮之諡將何以勸忠勇而鼓其死力也嗟夫時平則文吏持議仿先見之士不同

同安縣志

卷之八

海防

三

得終其謀世亂則武夫効死至治平而復忘之國之大患故王於此昔眩高獯師秦兵卻走契丹狂宋萊公戒心智高蓄謀宗旦蒙死今臣鄉郡通倭而臣獨言之則臣之家族必受其禍矣然臣不言則全閩而國家亦禍語云先事而言是謂不祥後而言國受其殃臣不敢避不祥之禍使至於

國之取冒味上聞伏乞勅下臣部早選才望有

為福建海道專王海禁假以便宜凡惡少

之通首皆重法以折

其萌比
倭草百成
進秩與之久任或照邊方兵備
一體超陞
乞勅下兵禮二部議勘朱統當日因
何受逮曾否嚴行海禁果無他罪止因海禁爲士
夫所中乞爲申白建祠原鎮地方以風任事之臣
詳勘戚繼光救閩功次并薊門十五年不罹兵患
其功當比何人或并名將能大猷一體賜諡使忠
勇者樂忘其死亦今日之急務也

王家彥閩省海防議職觀地勢自江南以北沃野千

同安縣志

卷之八

海防

三

里不溝不洫因歎職鄉海孺地如巾帨民耕無所
且沙磧相薄耕亦弗收加以年荒賦急窮民緣是
走海如鶩橫海鴟張如周三李魁奇鍾斌等其最
者也幸諸賊相繼殄滅爲年來俄頃之小康不謂
近日劇賊劉香老結連五師以掠同安鎮幾擾省
會計自漳之福洋至省不知爲幾寨幾遊而中左
居漳泉兩府之司爲會省南來之門戶誰司其地
聽其揚
直
至於此
請以歷來祖制約略
陳之國
無別其有指揮千百戶無別

將諸戍陸皆軍卽烽火小埕南日浯嶼銅山五水
寨之舟師無非軍也而統於各衛之指揮謂之衛
總至嘉靖四十一年撫臣談論總兵戚繼光題復
舊制每寨設福哨烏槳等號船四十餘隻於五寨
中分三哨屯大洋賊船必經之處其餘各寨附近
緊要港澳則分哨以防內限又於道里適均海洋
定爲兩寨會哨之法北抵浙之金盤南抵廣之括
林聯絡呼應戈船相望萬歷二十四年撫臣金學
會委分守穆日鼎都司鄧鍾閱信地復請添設嶼
同安縣志

卷之八

海防

三

山海墳浯洲浯銅元鍾礪山台山澎湖諸遊於一
寨之中以一遊翼之錯綜迭出雖支洋窮澳無不
按焉自昇平日久而額軍船頓失舊制指揮千百
戶等官足不踰城市會哨之法遂杳然矣至因之
選民兵募客兵編鄉兵又聯漁兵業軍而五矣夫
昔之爲軍者一而可以殺賊今之爲兵者五而籍
愈虛賊愈熾此所以長歎息也按舊額而復之依
分哨法而核之藉民兵客兵而簡練之鼓鄉兵而
官兵勿驚擾之復使沿海之四十二澳漁兵之乖

覺厚其餉偵賊所在照各邊夜不收例以爲海
耳目而頓制之皆今日不俟再計而決者也至巡
司之與衛所並建當日江夏侯周德興念寔海防疏
節閼日乃於中所隙處設四十五寨城射手百名
以資邏警宏治四年按臣陸備始裁三分之一而
寨兵益寥寥矣夫以四十五司四千五百之射手
碁布於寨與遊之間懸軍插羽聲勢自猛今寨旣
鞠爲茂草巡司官無專責延俟年月二三日兵勾
攝他事以爲生涯餽廩之意已無存矣爲今之計

同安縣志

卷之八

海防

三

莫若以本寨原餉仍募士民以充射手之數專令
教師肄習弓兵之外不許妄行勾攝恣爲侵漁卒
然遇倣賊少則率此以應賊多則糾合各寨將所
轄一方之水陸等兵共堵擊焉撫按巡臨數買穀
此外設法預蓄硝磺器械以備亟需仍令查盤清
核撫按報命永著爲殿最者也戚繼光之平倭也
雞鳴蓐食殲厥無遺故至今倭尤惕息其餘威矣
趙鳴珂福洋五寨會哨論沼嶼水寨設於泉州同安
縣地方上自圍頭以至南日下自井尾以抵鉅山

大約當會哨者有二由南而哨北則銅山會之浯嶼浯嶼會之南日南日會之小埕小埕會之烽火而北來者無不備矣由北而哨南則烽火會之小埕小埕會之南日南日會之浯嶼浯嶼會之銅山而南來者無不備矣哨道聯絡勢如常山合捕合併陣如魚麗防禦之法誠莫踰於此也

國朝王命岳靖海疏畧逆賊原無長畧不過糾合亡命偷生海島衆鷺而不整兵雖多而不當用日南方氣力脆薄交鋒片刻膽力不支輒思反北無持

同安縣志

卷之八

海防

十九

久力戰之強但賊習海既久以舟楫爲室家視巨浪如安瀾海戰實其所長而我師皆北人不慣水性與賊翱翔于巨浸洪濤之中似非萬全之計方今上策惟有把截隘港禁絕接濟信賞必罰申嚴號令輕徭薄賦與民休息使民不爲賊賊不得資遲之又久必有繫醜而獻闕下者

國朝萬正色閩海善後疏題爲邊海要島防汎宜周謹陳分鎮之詳以圖善後之策事竊惟搗巢之舉固當議戰保安之道尤貴能守蓋閩地狹窄非山

則海居民生計半藉魚鹽故不亟展邊界則無以
惠殘黎而充國課不歷設邊防則無以杜寇萌
而固疆圉故臣竊謂閩省之患海甚於山防守之
宜水重於陸若以陸師謹守內地而以水師沿海
設防內外交防始可無虞茲展界之議已聽督撫
諸臣另疏題請外至分防之舉臣職專水師請按
要圖量兵力而歷指之一鎮海澄上至石碼三叉
河下至海門圭嶼鼓浪嶼須兵五千一鎮廈門周
圍屬轄須兵三千浯嶼一營須兵一千一鎮金門

自料羅烏山頭至金門港須兵三千圍頭一營須
兵一千一鎮海壇上至磁澳下至潛洲南日須兵
三千一守平海須兵一千而江陰三江口屬之一
鎮定海上至北茭下至官塘梅花港移閩安兵三
千守之而烽火門至沙埕則設一營轄兵一千守
之一守日湖轄至祥芝以晉江營兵一千守之一
守獺窟須兵一千轄至崇武一守永寧須兵一千
轄至深滬一鎮銅山須兵三千轄至鎮海一鎮南
澳須兵二千轄至銅山但南澳逼近澎湖賊穴難

以駐劄銅山兩鎮會鯨兵力方厚以上共兵三萬
蓋以所列地勢或孤懸海上或濱海要衝皆海寇
出沒之地不嚴加防備使賊得竊據泊舟則游移
豕突禍且蔓延若以三萬之數設鎮分防以時巡
緝南風則由南而哨北北風則由北而哨南無事
合操有事夾擊縱使賊黨匪茹希圖入寇而海洋
遼濶勢不能合鯨齊至我師乘機撲滅可以就殲
又何至養成羽翼滋害地方哉

國朝劉佑戰船事宜議竊惟泉郡七邑地當濱海焚

同安縣志

卷之八

海防

三

劫之餘民生彫敝十室九空所宜撫養休息庶幾
漸有起色迺鄭逆遠竄臺灣尚未歸化而遷移失
業之窮民又往往聚夥近島而爲盜此藩院所以
會疏題請復設水軍修理戰艦選將練兵出海搜
捕以爲邊防萬全之至計也然而法立弊生派辦
繁苦是以衛民者害民有失藩院爲地方綢繆之
初心矣某叨蒞茲土日擊時艱不得不爲民請命
痛切爲憲臺陳之查各港戰船原有大修小修之
例分定年限當不至於遂壞乃八年秋季方修之

後至今未及兩年而春秋出汛輒復隨時興修且船隻無多應用物料當亦有限而此番估計採買之物以南安一邑計之爲值四千六百餘金除布司所發工價四百三十餘兩之外一皆出之民間限期迫促比追嚴峻而一二奸商乃得乘人之急交通承役將弁勒索重價通計七邑所費不下二萬餘金其實用之於戰船者雖不知其幾何而以理度之當不止於用一科十廳縣坐受催迫道府莫得查核是修船止爲商弁之利矣里民困於追

同安縣志

卷之八

海防

三

比不惜鬻賣男女以苟目前之安然而財盡民窮後將不繼使其逃亡轉徙則罪將誰歸竊以採買物料與其責之於令吏不如責之於將弁估計工力與其委之於將弁不如委之於道府且大修小修既各定有成限亦何俟取辦於臨時理合請祈憲臺俯察民艱恩賜酌詳嗣後凡遇應修之年預先估定應用物料價值詳請布政司照數發給該水師營自行修理交付駕船軍士日夜照管澆蓋毋俾風日侵損其有不及年限而壞者定係該船

軍士偷安怠惰該營將卽當以法繩之如此則兵
無缺用之卽民無苛派之擾其有益於地方非淺
鮮矣某查兵采一項舊皆各縣買解弁丁苛察民
不堪命致有百萬軍餉之案至康熙七年始議以
餉銀行之三年兵民相安則修船一事利病較然
矣又聞粵東船隻悉係發給營將修理閩省亦何
獨不可行哉某爲地方生民起見故不禁言之痛
切如此伏惟電鑒而裁詳焉

同安縣志卷之八終

